

Tã îgĩ-îgĩ Yúdĩ kâ Yúdĩ

Tã 'ẽ'á zĩlá nĩlĩ sísí rĩ

Yúdĩ îgĩ wárägã mvá nõ nĩ. Gólĩyĩ Yākóbã bê rĩ'á ãyĩ Yésũ rĩ âdrúpĩ ã'dĩ. Gólã rĩ tã nõ ãgĩlí krístõ 'bá gólĩyĩ õrĩ Yúdã yĩ kâ 'ásĩ, gólĩyĩ ã'dígówá Tã-drĩ Lēlē Ākũ 'á rĩ 'bá yĩ nĩ 'bá trá rĩ 'bá yĩ drĩ kpá õzõ Pētērõ tí. Gólã sõ kpá drĩ-mbĩlí krístõ 'bá 'dĩ 'bá yĩ ãlĩfĩ tã ãmbá 'bá õnjõ 'bá gólĩyĩ 'ẽ 'bá gólĩyĩ ãdólé tã õnjĩ 'élé rĩ 'bá yĩ tãsí. Gólã lē krístõ 'bá 'dĩ 'bá yĩ ãâdrē ró ãyĩ gágá tã lēlē ãyĩkã 'á, gõ'dá gólĩyĩ õrĩ ró rĩrĩ mbĩ rĩ ã'dĩ, tãlá Yésũ 'ẽ'á ãgõlé 'wãã ãlãjõ fēlé õjĩlá gólĩyĩ vólé gã 'bá dó tã Ôvãrí kâ 'élé rĩ 'bá yĩ drĩ.

¹ Mã Yúdĩ, Yākóbã rĩ âdrúpĩ 'ĩ, mã rũ ã'bũ 'bá Yésũ Krístõ kâ ró rĩ ã'dĩ. Mã îgĩ wárägã nõ nĩ ãnĩ gólĩyĩ tĩbē Ôvãrí drĩ nĩlĩ trá ãyĩkã ró nõ 'bá yĩ drĩ. ãnĩ ã'dĩ tĩbē Ôvãrí ãmã átã drĩ lēlé rõõ rĩ gõ'dá kpá Yésũ Krístõ ãnĩ vó ndrē 'bá rĩ bê.

² Ôvãrí rĩ 'ã ãã'dĩ ãnĩ rũ. Gólã õfē kpá lõvõ ãnĩ drĩ tã ã'dĩ bê rõõ.

Tã õjĩlá gólĩyĩ rĩ 'bá tã ãnyã ãmbálé rĩ 'bá yĩ tãsí rĩ

³ ãmã rũ-lē-ãzí yĩ tĩbē mã drĩ lēlé rõõ nõ 'bá yĩ, mã lē trá pãtĩ-pãtĩ ró tã ãgĩlí ãnĩ drĩ tã tãndĩ gólã fēlé trá ãmã drĩ Yésũ Krístõ 'dĩyĩ pã 'bá ãmãkã rĩ sĩ rĩ tãsí. Gõ'dá võ lá 'á rĩ, ãcã trá mã drĩ tã ãgĩlí ãnĩ drĩ ãnĩ ãlĩfĩ õmbã ró bê ãnĩ rũ õjĩlá gólĩyĩ rĩ 'bá

tã ányâ ìmbálé rî 'bá yî tãsí. Má lě mbârâkã sôlé
 ânî 'á ânî drí tã pătġġ tîbê Ôvârí drí âfêlé ôjîlã
 íyíkã nyãányâ lâ drí âtġġġ gágá rû jã âkó gbădú
 âdũkũ âkó.

⁴ Gõ'dá ôjîlã âzâ 'bá yî âfi trá ânî lâfálé kíri ró,
 â'dô ró bê ânî âdólé. Gólġyî kí, Ôvârí ââyê âmã
 trá tã ônjí 'ásġ, gõ'dá ââ'dó kô ônjí ró âmã drí tã
 ônjí 'ězó. Gólġyî gâ vólé trá dó Kúmú âmákã Yésũ
 Krístô rî ìnjġġġ. Pătġġ ró, Ôvârí â'dô gõ'dá lâņô fê'á
 gólġyî drí tã rî 'dġ tãsí, ôzô gólâ drí âtálé trá búkũ
 íyíkã 'á âkũ ró nã sí kí, yî ââ'dô lâņô fê'á ôjîlã rġ
 'bá tã 'êlé ġtġ rî 'bá yî drí rî kâtġ.

⁵ Gõ'dá â'dô bê trá ġtġ rî, má lě kpá tã gólâ ânġ
 drí nġġ trá dódó nô âtálé ó'dġ ânġ drġ. Gbô lé
 Ôvârí pâ ôjîlã íyíkã trá ngbã, lôfô-lôfô gólġyíkã
 Mășġġ 'ásġ rġ sí rġ, gõ'dá 'dġġ vósġ rġ, ôjîlã 'dġ 'bá
 yġ lâfálé 'ásġ gólâ ġzã ôjîlã gólġyġ tã lě 'bá yġ 'á kô
 rġ trá.

⁶ Gõ'dá nġ ġsũ drġ kpá tã mälâyíkã gólġyġ tîbê rû
 jã 'bá tã ányâ 'êlé Ôvârí rû rġ yġ tã lâ. Gólġyġ âyê
 drġ-âcê tîbê Ôvârí drġ fêlé trá gólġyġ drġ rġ vólé.
 Gõ'dá ġtġ rġ, Ôvârí drġ gólġyġ rũzó ômbéle nyãġ
 gólâ ôkġ 'bá kô rġ sí, gõ'dá gólġyġ trôzó vũġ vô
 gólâ ġnġġkúwã ró rġ 'á rġġ tólã búũũ kâyġ gólâ
 Ôvârí drġ 'ězó lâņô fêlé gólġyġ drġ rôô rġ 'á.

⁷ ġtġ rġ, nġ ġsũ drġ kpá Sôdómô yġ tã Gômórã bê,
 gõ'dá ôjîlã gólġyġ jãġġbã ânyġ gólġyġ lâgătġ rġ 'á rġ
 'bá yġ bê. Gólġyġ rġ ġyġ trá rġ'á tã ônjġ tġtġ tġ âmã
 nô 'bá yġ 'ê bê cé tġtġ.* Tã 'dġ tãsí rġ, ôjîlã 'dġ 'bá yġ

* **1:7** 1.7 Ôzô âgô drġ rġġ âyġġ âgô âzġ bê rġ tġ. Nġ zġ tã 'dġ búkũ
 Tã Ômvó Ngã kã 'á, kápġtã 18 gõ'dá kpá 19.

vě trá ngbá lăsí sī, tã â'dâ ró lâņō lăsí gólâ âdrã 'bá kô rí kâ gólâ 'dē 'bá tã ōnjí 'bá dr̥ĩ rí tāsī.

⁸ Ítí rí, ōjílã gólīyī rī 'bá tã ányâ 'dĩ 'bá yī ìmbálé rí, gólīyī kī, Ôvârí âáfě drī-âcê ìyī drī âbī-âbī sī, gólīyī rí 'dĩ tã ōnjí tětě 'ě'á. Gõ'dá gólīyī gã tã Ôvârí kâ dó drī-âcê ōjílã âzâ 'bá yí kâ yí bê. Gõ'dá gólīyī rí mālāyíkã Ôvârí kâ lô'dalé.

⁹ Gõ'dá kpálé ítí rí, âmbá mālāyíkã yí kâ, Māyíkōlō rò Ôvârí tákányī, gólâ âtá úlī ōnjí mālāyíkã âzâ 'bá yī drī kô ōzō tã ìmbá 'bá ányâ 'dĩ 'bá yí kâtí. Kâyī Māyíkōlō drī rīzō lâwālé Sātánã bê Músã rí âvō dr̥ĩ rí, gólâ 'dá Sātánã kô. Gólâ âtã tã Sātánã drī kī nĩ rí, “Ôvârí òfě lâņō nĩ ní drī.”

¹⁰ Gõ'dá tã ìmbá 'bá ányâ 'dĩ 'bá yí kâ rí, gólīyī rí ìyíkã ngá ndrī gólīyī drī n̥lĩ kô rí lô'dalé lô'dâ. Gõ'dá drīlīyī ìyíkã rīzō nyé ōzō kōrōnyã kâtí cú ítí tã ìsũ-ìsũ âkó, rĩ'á tã ìyī drī lələ rí 'ələ ĩ'dĩ â'dólé ìyī ífífí ìzälé.

¹¹ Ìzã kōkō! Ôvârí â'dô lâņō fě'á gólīyī drī. Gólīyī rĩ'á ōzō Káyĩnã gólâ íyī âdrúpĩ rí lôvó 'bã 'bá kó kô rí kâtí, gõ'dá kpá ōzō Bălámã gólâ ōjílã Ôvârí kâ jã 'bá lătĩ mbĩ gólâ 'dězó Ôvârí vó rí 'ásĩ â'dô ró bê âđĩ úsúzó ĩ'dĩ sī lâ rí kâtí, gõ'dá kpá ōzō Kórã gólâ tã Ôvârí kâ gã 'bá 'dó drī-âcê Músã kâ yí bê rí kâtí. Ítí rí, Ôvârí â'dô gólīyī ìzã'á kpá ōzō gólâ drī Kórã rí ìzārē tí.

¹² Ôjílã 'dĩ 'bá yī gólīyī òtírĩ ìyī âfĩ ânĩ lâfálé ngá nyälé kărámã gólâ rù âmũ kâ lôvō Ôvârí kâ â'dázó rí 'á ânĩ bê rí, gólīyī 'bã ìyī tã trá cé ĩ'dĩ sísí, tã ányâ 'ələ ũrĩ âkō. Gõ'dá gólīyī rĩ'á ōzō ôzê

gólâ ânĭ 'bá cé ânĭ 'dĭ 'bá kô rĭ kâtĭ cé kăġũmăă bĕ. Gõ'dá gólĭyĭ kpá òzō fĕ gólâ lô'wâ 'wâ 'bá kó kô drĭlâ drázó rĭ kâtĭ.

¹³ Gólĭyĭ 'ĕ ânĭ tã ĩsũ ânĭkâ drĭ âvĭzó òzō òjĭlã drĭ 'bú ġãrĕ ã'wá drĭ 'dĕzó 'á lâ rĭ kâtĭ, gõ'dá gólĭyĭ rĭ'á òzō ĩ'bĭ'bĭwá gólâ sĭ 'bá nĭ'á âvĭlĭ ĩnĭrĭkúwá 'á rĭ kâtĭ, únĭ tã gólĭyĭ tãsĭ rĭ kô.

¹⁴ Ĕnókã tĭbĕ â'dó 'bá Ádãmã rĭ ózōwá ândâlâ nĭ-kázĭyá ró rĭ ângũ tã trá òjĭlã 'dĭ 'bá yĭ tãsĭ âkũ ró. Gólâ kĭ, “Ôvârĭ Yăkóvã â'dô âġô'á mālăyĭkã ĩtĭlĭlĭ íyĭkâ nyãányã rĭ 'bá yĭ bĕ.

¹⁵ Gólâ â'dô 'ĕ'á âġôlé tã-vó òjĭlã ndrĭ kã kĭlĭ. Gólâ â'dô 'ĕ'á lâŋô fĕlé òjĭlã gólĭyĭ ndrĭ gólâ rĭ ĩnĭ 'bá kô rĭ 'bá yĭ drĭ tã ònjĭ tĕtĕ gólĭyĭkâ 'ĕlé trá rĭ tãsĭ. Ôvârĭ â'dô 'ĕ'á lâŋô fĕlé gólĭyĭ drĭ úlĭ ònjĭ gõ'dá kpá lâ'dá ndrĭ gólĭyĭ drĭ rĭzó gólâ rĭ lò'dalé ĩ'dĭ sĭ lâ 'dĭ 'bá yĭ tãsĭ.”

¹⁶ Òjĭlã 'dĭ 'bá yĭ rĭ ĩyĭkâ kăyĭ vósĭ cé zãã rĭ'á tã ġĭlĭ. Gólĭyĭ rĭ ĩyĭkâ gõ'dá kpá zãã rĭ'á ngá gólĭyĭ rú'bă lôvó drĭ lĕlé rĭ 'ĕlé ĩ'dĭ. Gõ'dá gólĭyĭ rĭ ĩyĭkâ kpá zãã rĭ'á tã âmălĕ kĭ, yĭ ã'dô ĩyĭkâ òjĭlã tã lâ drĭ lâzélĕ ġãră rĭ ĩ'dĭ. Gõ'dá rĭ ĩyĭ kpá rĭ'á úlĭ âsô-âsô âtalé rĭzó rĭ'á òjĭlã drĭ âdólĕ ĩ'dĭ sĭ lâ, òjĭlã 'dĭ 'bá yĭ òlĕ ró tã gólĭyĭ ĩyĭ nyãányã drĭ lĕlé 'ĕlé 'dĭ bĕ.

Tã gólâ tã lĕ 'bá drĭ sũzó tã lĕlĕ ĩyĭkâ rú dódó rĭ

¹⁷ Âmã rũ-lĕ-ăzĭyã yĭ tĭbĕ má drĭ lĕlé rōô nō 'bá yĭ, nĭ ĩsũ drĕ tã gólâ tĭbĕ lâjó'bá Kúmú âmákã Yĕsũ Krĭstō kã 'dĭ 'bá yĭ drĭ âtalé trá sĭsĭ nã 'bá yĭ sĭ nã.

18 Gólĭyĭ kĭ ānĭ drĭ rĭ, “Ōzō ōtírĭ cāâ kâyĭ ādūkū nô 'á rĭ, ōjĭlā āâ'dô rĭ'á 'dásĭ 'ĕlé ānĭ rú, tālā ānĭ drĭ 'bāzō trá krĭstō 'bá ró rĭ sĭ. Ōjĭlā rĭ 'dĭ 'bá yĭ, āâ'dô ĭyĭkâ cé rĭ'á tā gólĭyĭ rú'bạ lôvó drĭ lĕlé rĭ 'ĕlé ĭ'dĭ, ōjĭlā gólĭyĭ Ôvârí rĭ rō 'bá kô rĭ yĭ.”

19 Ōjĭlā 'dĭ 'bá yĭ, gólĭyĭ kpá ĭ'dĭ tĭbê rĭ 'bá krĭstō 'bá lāfálé cālĕ rĭ. Gólĭyĭ ĭ'dĭ tĭbê lôvó rú'bạ kâ drĭ gólĭyĭ pĕlé lĕ rĭ. Gō'dá Líndrĭ Tāndĭ Ôvârí kâ rĭ gólĭyĭ 'á kô.

20 Gō'dá ānĭkâ rĭ, âmâ rŭ-lĕ-āzĭ yĭ má drĭ lĕlé rō rĭ 'bá yĭ, tā lĕlé ānĭkâ Yĕsŭ Krĭstō 'á rĭ ōmbâ zāâ nĭ'á sĭsĭ 'álâ, tālā nĭ â'dô ró bĕ gágạ tā lĕlé ānĭkâ 'á ōzō rákâ fĕ kâtĭ. Nĭ rĭ zāâ rātāā 'ĕlé nyé ōzō Líndrĭ Tāndĭ Ôvârí kâ drĭ â'dalé trá ānĭ drĭ rĭ kâtĭ.

21 Gō'dá nĭ njŭ lôvō Ôvârí kâ ānĭ drĭ rĭ rú gágạ, gō'dá ĭfĭ 'bāzō cé kâyĭ gólâ Kúmú āmákâ Yĕsŭ Krĭstō drĭ 'ĕzó āgōlé rĭ drĭ, gólâ â'dô ānĭ 'bā'á rĭlĭ zāâ gbạdŭ ādūkū ākó yĭ bĕ, tālā gólâ rĭ'á pĭpĭsĭlĭ tāndĭ bĕ.

22 Nĭ sō mbârākâ ōjĭlā gólĭyĭ tĭbê drĭ lâ yĭ drĭ ĭjāzō trá tā ĭmbâ ányâ rĭ 'bá yĭ drĭ rĭ 'á.

23 Gō'dá nĭ rĭ zāâ gólĭyĭ tĭbê tā ĭmbá 'bá ányâ ró rĭ 'bá yĭ drĭ âdólé trá ngbá gō'dá drĭlĭyĭ 'ĕzó lâņō ōnjĭ tĕtĕ ũsŭlĭ Ôvârí drĭgạ sĭ rĭ 'bá yĭ pālĕ, té bŭŭŭ lâņō rĭ gógó ōtírĭ 'ĕĕ gólĭyĭ ũsŭlĭ rĭ 'á, gō'dá nĭ rĭ kpá pĭpĭsĭlĭ tāndĭ bĕ ōjĭlā drĭ ndrĭ. Gō'dá ānĭ ĭfĭ ōmbâ ānĭ rú ōzó kô ānĭ ífĭfĭ 'bāâ tā ōnjĭ 'ĕlé.

Rātāā Ôvârí rĭ lŭyĭzó

24 Mā lŭyĭ nĭ Ôvârí tĭbê âmâ pā 'bá ró nō. Nĭ â'dô âmâ âtĭ'á gágạ, mā ōzó kô tā lĕlé āmákâ

Yésũ Krístõ 'á rĭ âyé. Nĭ â'dô îcá'á âmâ 'bãlé
âdrélé ní ágálé cú ĩtĭ tã õnjĭ ãkó, tãlâ mã rĭ ró bê
âyĭkõ âmã bê.

²⁵ Ôvârĭ, mã lûyĭ nĭ Ôvârĭ pãtĭĭ ró tĭbê âmã pã
'bã ró Kúmú âmákã Yésũ Krístõ sĭ rĭ. Mã ĩnjĭ
nĭ, tãlâ nĭ ĩ'dĭ õjĭlã ndrĭ ãngó 'á nõ kúmú lâ yĭ
ĩ'dĭ. Nĭ ĩ'dĭ rĭ'á mbârãkã ąngĭ bê kárã zãã gbãdú
ãdũkũ ãkó. Ââ'dô ĩtĭ.

Tã-drĩ LěĹě Ó'dí Óvârí Kâ

Avokaya: Tã-drĩ LěĹě Ó'dí Óvârí Kâ New Testament

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 1 Oct 2024 from source files
dated 29 Jan 2022

87931ba7-0e83-5f4d-bd6e-8c45876fc354